

書



元經薛氏傳第二

阮逸註

經晉懷帝永嘉元年春帝正月帝即位改元永嘉立皇氏

為皇太后梁氏為皇后南陽王模誅司馬顥隰羨為司徒

王衍為司空傳無詔除三族刑二月東萊王彌賊起三月將

軍周馥討陳敏平之庚午立豫章王詮為皇太子劉淵陷

并州夏五月汲桑陷鄴城殺新蔡王騰洛陽地陷有二鵝

出秋七月琅邪王睿鎮建鄴冬十一月戊申朔日有食之

無十二月汲桑賊平越矯詔囚清河王暉殺

傳曰懷帝熾諱字豐度武帝第二十五子也惠帝崩帝以

太弟入踐祚於光熙元年十二月即位明年改元永嘉始

書即位謹始也元經取元年正月書即位皆端本正始之義王氏懷帝母也諱

媛姬早卒追尊為皇太后梁氏本王妃也至是立為皇后



正也南陽王模誅顯者何曰顯自立逼惠帝遷長安將謀篡逆擅廢太子覃與成都王穎相表裏及為東軍所敗走南山復守長安南陽王模遣其將梁臣車上扼殺之書曰誅正其罪也削王書姓絕其親也除三族刑古之道也唐虞典刑罰不及嗣末世慘酷遂有夷族之說今除此刑雖衰世未能治平亦帝者之心書為後法可也帝因諸葛攻周穆下此詔東萊人王彌者魏玄菟之守順之孫也因劉伯根賊起于青徐卒亂天下書曰賊起言晉禍自此盛也陳敏廬江人自廣陵度支破石冰有功為廣陵相惠帝西遷敏據江東及周馥討之會稽郡悉平故曰平之太子詮新都王選之子覃之弟也初襲封豫章王至是立為皇嗣正也後奔斬石劉淵入并州劉琨獨貶晉陽諸郡皆陷于淵書并州

陷則諸郡可知汲桑者馬牧師也寇魏郡陷鄴城遂殺新蔡王騰騰者高密王泰子也迎惠帝歸洛陽以功封新蔡汲桑賊攻鄴騰不能守而輕騎出走為賊所害罪不能守也洛陽步廣地陷有二鵝出蒼者冲天白者不能飛說者謂二鵝晉封為二之象也蒼冲天應琅邪王興晉也白者不能飛應西晉卒不振矣七月琅邪王睿鎮建鄴特書於經明晉祚猶長也諸王出鎮無足稱者多故也九月戊申苟晞破汲桑至十二月并州人斬桑於樂陵書平者喜賊平也東海王越將謀篡逆今年囚清河王覃於金墉城明年害之不書王貶矯詔也

經末嘉二年春帝正月丙午朔日有蝕之無傳二月石勒寇常山五月王彌犯洛陽司徒王衍禦之冬十月劉淵僭號



漢十一月尚書令高光薨

傳曰石勒上黨羯人也初居武鄉山草木有鐵騎象未安  
 初并州刺史司馬騰虜群胡賣於冀州兩胡連一枷勒在  
 其中與汲桑同起歸劉淵後亦僭號稱趙寇常山書始為  
 亂也王彌自寇來山入許昌開府庫取器仗有衆數萬進  
 逼洛陽京師大震城門晝閉詔司徒帥百官距守彌屯軍  
 七里澗王師進擊大破之彌奔劉淵書曰禦之不能擒賊  
 也劉淵字元海永興元年反於離石至是僭稱漢下令曰  
 昔我高祖神武應期文帝以文德升明武帝拓土攘夷宜  
 帝搜揚俊乂今天佑其衷悔禍皇漢使司馬氏迭相殘滅  
 孤為群公所推紹脩祖業不失舊物追尊劉禪為孝懷皇  
 帝書淵僭號載記偽主淵為首也按惠帝永興元年劉淵起稱漢後九年石勒稱

趙後十一年張重華稱涼後一年冉閔孫稱魏後一年慕容  
 容雋稱燕後三十一年慕容重稱後燕後二年慕容冲稱  
 燕是歲乞伏國仁稱秦呂光稱涼後十一年慕容德稱南  
 燕秃髮烏孤稱南涼後二年李元盛稱西涼後二年沮渠  
 蒙遜又自稱涼後四年譙宋稱成都王後三年赫連勃勃  
 稱大夏後二年馮跋稱比燕其戰國者一百三十六歲凡  
 六國而元高光者執謂魏太尉柔之子惠帝西遷朝臣  
 奔散惟光侍帝及帝還洛以光為少傅轉尚書令以疾卒  
 書官而薨嘉忠臣也

經永嘉三年春帝正月甲午彭城王釋薨三月戊申高密  
 王畧薨丁巳越入京師於帝側收中書令繆播害之夏四  
 月丁卯太尉劉寔退老積弩將軍叛奔於劉淵七月戊辰  
 當陽地震三所九月南陽王模破芒蕩斗史並平之  
 傳曰彭城王釋穆王權之孫也襲封彭城高密王畧文獻  
 王泰之子小心下士有父風愍懷初立選子弟有名稱者



為賓友略侍太子左右累遷開府襲封高密書薨禮也東  
海王越害繆播何也播字宣則光祿悅之子初越遣播詣  
長安說河間王顥令奉帝還洛顥將張方言於顥不可播  
復說顥斬方以謝東諸侯及帝即位以播為中書令掌詔  
命越惡播盡忠於國慮為已患因入朝以兵執播於帝側  
帝謂曰亂臣賊子無世無之不自我先不自我後臬哉起  
執播手歔歔不能禁越害朝野憤惋皆曰善人國之紀也  
而越殺之其能終乎越不書王貶專殺忠臣也按本史越  
於帝側收近臣繆播王延等十人並害餘不書于經省文也劉寔漢之裔也好學博通  
潔已無瑕以世多進趨廣遜道缺乃崇著讓論以矯之其  
略曰夫敘用之官得通章表者有讓賢推能乃謂之其不  
能有所讓絕之故人臣初除各思推賢能而讓之矣生讓

之文付主者掌之三司有闕則以三司所讓最多者而用  
之是三公共選一公為詳焉四征有闕則以四征所讓多  
者用之是一征闕而四征讓之詳焉按魏晉故事置征  
四將軍各一員分掌重兵晉多以親王居之尚書闕以尚書所讓最多者與之  
以八尚書共選一尚書固詳於主者選入尚書也郡守闕  
則郡守所讓最多者用之固詳於主者選百郡守也故世  
爭則毀譽交錯優劣不分難得而尚也世讓則賢智顯出  
能否之美歷歷相次不可得而亂也如此智愚咸知進身  
求通非脩己則無由焉敗懷立以寔為師太安初寔遜位  
至懷帝即位復授以太尉寔自陳年老固辭帝不許左丞  
劉坦上言曰古之哲王莫不師元臣崇養老禮七十致仕  
所以優異舊德以勵廉高之風太尉寔體清素之操執不



渝之潔懸車告老二十餘年臣聞老者不以筋骨為禮寔年九十命在旦暮而頻上露板宜聽寔是所守至是詔曰君年者告確然難違今聽君以侯就第書曰退老尊之也王衍代寔為太尉不書非其繼也王衍為石勒所敗勸勒稱身居三公何得言不與世事耶破壞天下正是君為使左右扶出夜使人排墻填殺之傳言非其繼意以此耳未誕為積弩將軍叛歸劉淵不貶去姓氏微也且言晉臣之陷于淵者眾不可勝貶也當陽地架三所各廣三丈長二百餘步本志謂地折裂者臣下分離不相從之象也言司馬越與苟晞交惡四方離散之應也平陽人劉芒蕩自稱漢後誘羌戎僭帝號於馬蘭山及胡五斗叟郝索等數千人為征亂西大將軍南陽王模遣將淳于定討破皆斬之書曰並平之善並日吉也

經永嘉四年春帝正月二月蜀又碩歸順三月周玘討錢璿平之夏五月六州大蝗地震六月劉聰弒劉和自立秋九月王如賊起冬十一月越帥師出許昌將軍周馥迎帝都壽陽不克

傳曰文碩者蜀李雄之將也雄大將軍李國以巴西歸書曰歸順嘉之也五月幽并討冀秦雍大蝗食草木及牛馬死皆盡兗州地震本志謂石勒寇汲郡執太守胡寵南濟沔是其應也偽漢劉淵死其子和嗣位多猜忌御下無恩其舅呼延攸殺和殺其弟劉聰覺攻西明斬和遂自立書弒者言和雖偽號亦劉之君也聰殺和而篡其位宜貶大惡王如者新豐人也遇亂流離至宛會詔促還鄉乃結少年襲官軍破襄城以是南安龐寔馮翊嚴嶷長



安侯脫各帥師群盜應之凡數萬人結石勒為兄弟書賊起言互盜盛起不復制矣按一教後歸王辛卯書昏至庚子凡浹旬本志謂夜妖也劉云書而暝陰為陽也臣制君也班固曰夜妖者風雲並心杳冥與常風同狀天戒若曰勿使大夫世官專政而暝呼王室蓋東海王越以京師死羽檄徵天下兵莫有至者全眾出許昌以行臺自隨宮府無復守衛荒饑日甚殿內死人交橫府置並握斬自守盜賊公行枹鼓之音不絕越以內尉王衍為軍司越自領豫州牧書出者猶言出奔叛其君也故貶去族周馥字祖宣浚弟也理識清幹選舉精密累言至鎮東將軍以東海王越不盡臣節每言及厲然又覩群臣甚盛洛陽孤危乃建策迎天子遷都壽春上書曰不圖厄運遂至於此戎狄

交侵畿乃厄逼臣與祖約裴憲華譚孫惠等三十人伏思大計以殷王有屢遷之事周室有岐山之徙方今帝都罄乏不可久居觀今平夷東南為愈北阻塗山南抗靈嶽名川四帶有重險之固楚人東遷遂宅壽春臣請選精卒二萬奉迎皇駕令裴憲督豫州諸路荆揚江湘運米十五萬斛絹十四萬疋以供大駕令王凌荀晞共平河朔臣戮力以啓南路皇輿來巡司馬越大怒慮其圖已也以兵攻馥馥憂疾而卒書曰不克惜其謀合事機而為越所沮其後晉果東遷焉之按本傳元帝後問華譚曰周初宣何至于表移都以紆國難若從馥謀西晉未亡也原情豈得為及帝乃悟經永嘉五年春帝正月密詔荀晞討越乙亥流人杜盜據長沙庚午平原王幹薨二月汝南王祐奔建鄴三月戊



午越卒宗室三十六王没于石勒流人汝班及蹇撫賊起于零桂諸郡帝還都倉坦不克夏六月庚寅荀藩出奔轅轅丁酉劉曜王彌石勒入京師帝蒙塵于南陽荀晞立豫章王瑞為皇太子秋七月後假立太子置百官八月劉聰陷長安南陽王模薨九月荀晞及豫章王没于石勒十一月荀盧寇太原

傳曰帝密詔征東大將軍荀晞討東海王越先是晞移檄諸征鎮曰天步艱險禍亂離流元海造逆於汾陽世龍僭亂於三魏晞於虛薄委於關東所以藩固皇室無俾壞城夫用楫不固則齊桓責楚襄王逼狄則晉文致討凡我同盟在此行矣及詔討越上表曰越以宗室寵樹姦當道為詔令縱兵寇畧臣祇奉前詔遣王模陳午等兵詣項驥行

天討書曰討越聲其罪也本蜀郡人避亂南湘

中賊眾推為牧故書曰盜據長沙平原王幹者宣帝之

子也惠帝反正以幹為太保當齊三問之平幹懷百錢見

問曰倫逆亂義舉是汝之功今以百錢賀汝雖然大勢難

居不可不慎及問誅幹哭之慟曰宗室日衰此兒最可久

復害之自今殆矣東海王越往視幹幹閉門不通使人謝

遣而自於門隙窺之當時莫能測其意者年八十書薨得

禮也汝南王佑者亮之孫也佑立為威王遇中原亂南渡

江依元帝書奔以明內難也越卒者何東海王薨於項也

曷謂薨於項而書卒曰罪盈而死天下不與其為王也越

初卒秘不發喪遺命襄陽王範統其眾歸東海會石勒追及於甯平楚越尸柩曰此人亂天下吾謂天下報之焚其



骨以告天地經書卒罪宜誅爾三十六王者何曰越既死其子毗自京邑同宗室子弟出奔遇石勒自武陵西河而下皆被害餘王陷于勒書三十六王言宗室盡沒矣沙班蹇撫二賊起湘州虜其刺史苟眺破零桂東畧武昌殺安城太守郭察邵陵太守鄭融衡陽內史滕育書曰諸郡言賊勢大也苟晞表請帝遷都倉垣帝將從入宮中及皇西戀貨財不欲出至是饑甚人相食百官皆流亡十八九帝召近臣將行無車輿步出西掖門至銅駝街為盜所掠不得進而還書曰不克計窮無為矣苟藩者勗之子也時為司空聞劉曜等犯京邑藩先出奔輟轅不書司空貶也身為三公不能安帝室掃群盜而先自亡去非社稷臣也帝蒙塵於平陽者何曰劉聰僭據平陽及劉曜入京師帝聞

華林園門欲幸長安為劉曜初追及百官士庶死者三萬餘人執帝送歸平陽劉聰以帝為會稽公古者天子蒙塵於外國史褒之辭不忍書其囚執豫章王端者清河王澹之子也兄詮為皇太子以端封豫章會洛陽陷沒端東奔苟晞立為皇太子按本史端立之日沒于勒王浚者司空沈之子也領幽冀都督假立皇太子其實為妄將謀僭號故削去其姓貶偽假也按本傳浚為石勒所敗責之姓不南陽王模忠於晉積粟五十萬不賑百姓者高密王泰之子也有聲稱於宗室進位大尉洛陽陷降於劉粲為聰所害書薨終之以王禮也苟晞及豫章王沒于石勒者先是豫章王東奔苟晞承制錄尚書事居蒙城勒執晞殺之及端亦遇害端與晞同書沒傷端為晞所禍也猗盧者執謂曰匈奴種也其先曰神元分國為三部一



曰昭帝神元統一部居上谷之北濡源二曰桓帝居代北  
參合陂三曰穆帝猗盧居定襄北盛樂城其後猗盧強盛  
總攝三部至是攻新興鴈門劉琨不能制自稱三部大人  
蓋後魏拓跋之先書寇太原言夷狄深入中國也

經永嘉六年春帝正月帝在平陽二月壬子日有食之癸  
丑琅邪王睿檄四方討勒夏四月丙寅將軍山簡卒秋七  
月木火金聚牛斗九月詔猗盧為代公辛巳雍州刺史賈  
疋敗劉燦長安人立秦皇鄴為皇太子

傳曰帝在平陽王業已淪也然曆數猶存故元經書元以  
永嘉書春以帝正月書劉聰偽邑為平陽存其主而抑偽  
號也劉聰改元嘉平代壬子曰蝕本志謂秦王鄴於長安  
代帝監撫宗廟而帝蒙塵不能反正之象也琅邪王即元

帝也因洛之亂渡建鄴荀藩等推王為盟主乃移檄四方  
共討石勒不書姓以真主討偽亂必貶偽以成文也山簡  
者何曰吏部濤之子為征南將軍鎮襄陽江漢歸附或宴  
會僚佐勸簡作樂簡曰社稷傾覆不能康正晉之罪人也  
何樂之有因流涕慷慨未幾卒書官而卒貴之也歲星熒  
惑太白聚於斗牛吳分野東晉中興之應劉琨鎮并州時  
劉燦寇晉陽又太原太守高喬降于燦于是琨奔長山乞  
師於猗盧乃表猗盧為代公賈疋者太尉詡之孫也累遷  
雍州刺史率兵三萬復長安劉燦聞之使劉曜來戰疋破  
之曜中流矢追至甘泉書官不書詔命言疋勇畧有復晉  
之志故特書以褒之秦王鄴者吳王宴之子也秦獻王簡  
無後以鄴嗣封賈疋既破燦曜三輔小安廼與衛將軍劉



芬京兆太守梁總共奉為皇太子書長安人不書官名者  
言民思晉主關輔厭亂眾欲立皇太子以平寇亂猶春秋  
書衛人立晉眾也

經永嘉七年春帝正月丁亥聰弒帝崩于平陽夏四月皇  
太子即位於長安愍帝建興元年丙午懷帝舉哀壬申大  
赦改元建興五月壬辰詔琅邪王睿都督陝東南陽王保  
都督陝西六月石勒陷山東九月荀藩薨冬十月荆湖陶  
侃討賊杜弼已巳大雨雹十一月流人楊武陷梁州十二  
月河東地震雨肉

傳曰劉聰大會使帝着青衣行酒侍中庾珉號哭聰惡之  
乃殺帝書崩于平陽言非其所也春秋書魯昭公薨于乾  
侯傳曰失其所也書聰弒帝者責在後君必討弒君之賊

也太子業即位于長安不係於建興元年而係於永嘉七  
年何也曰春秋八公即位於六公之傳遭喪繼位每年正  
月則改元正位百官以序國史書即位于策以表之也杜  
預曰天子之喪制嗣子位定改元必須踰年此繼父之業  
不忍變於中年若六月癸亥昭公之喪至自乾侯戊辰定  
公即位此則國史直書不須係改元而後書即位也漢魏  
而下則不然既立年號又復易之元經依晉史舊文實書  
日月而已故懷帝正月崩于平陽四月愍帝改元繼位皆  
舊史之文是以元經或因而錄之或改而筆之故曰筆則  
筆削則削古之道也五月壬辰詔曰陽九百六之厄雖盛  
世猶或遘之况朕幼冲纘承洪緒昔周分陝姬氏以隆元  
王東遷晉鄭是輔二公掃除鯨鯢奉迎梓宮克復中興琅



邪王先為鎮東大將軍乃進位左丞相都督陝東諸軍事  
 南陽王保者南陽王模之子全有秦州之地隴右氏羌皆  
 從焉乃進位左丞相都督陝西諸軍各因其所鎮而任之  
 順也六月石勒攻兗州害刺史田徽由是山東郡邑皆陷  
 于勒荀藩者司徒勗之子也遷至司空帝為太子時以藩  
 世臣也令攝國政遇亂奔滎陽卒於開封書薨不書官貶  
 其生不貶其死也生無功於君即不書官以貶也死得令終即書以全之陶侃為荆  
 州長史元帝見之大悅遷武昌太守杜弼杜曾賊起改侃  
 為沔口侃急走入船獲免不書貶嘉侃之節終能平賊也  
 不欲其敗也故不書敗已巳大雨雹本志謂盛陽雨水而  
 陰氣為之轉而為雹劉向曰陰脅陽董仲舒曰臣脅君之  
 應河東雨肉者肉妖也天下之亂河東妖孽尤為甚焉

經建興二年春帝正月己巳黑霧五日辛未日殞于地又  
 三日相承自西而東三月石勒陷幽州殺王浚夏五月西  
 平公張軌薨六月劉曜寇新豐將軍索琳破之秋七月劉  
 曜逼京師將軍麴允破之中郎將劉寅克頓丘

傳曰黑霧着人衣如墨連夜凡五日而止本志謂時君昏  
 耗之妖也日噴者日不墮也有妖物象日之形墮於地爾  
 三日相承者亦妖氣映日而人昧之有三焉五年正月庚  
 子三日並照紅霓彌天此皆妖也天晴即無之本志謂元  
 帝渡江劉聰李堆各據曹劉舊疆三分之應也石勒陷幽  
 州牧王浚大罵而死不書官貶其逆與賊同耳張軌者少  
 以儒學顯名永寧中為涼州刺史化右河右摯虞曰天下  
 大亂有避難者惟梁王耳執司馬楊言曰東羌韓雅殺



秦州刺史張輔明公伏鉞一方宜懲不恪春秋之義諸侯相滅桓公不能救則相公恥之雅聞之降軌大發兵破王彌劉聰有功進位司空封西平公遣使朝貢歲時不絕朝廷嘉之俄惠風遺今日文武將佐當盡忠規務安百姓上思報國下以寧家善相和遜以聽朝旨卒年六十謚曰武公而薨褒忠勲也索綝者司空靖之子舉秀才累遷至安西將軍懷帝蒙塵綝糾合義眾破賊黨立秦王為主劉曜及趙冉寇新豐綝擊破賊書之告捷也七月曜冉復逼京師麴允討破之允金城人與游氏世為豪族而州語曰麴與游牛羊不數頭言多也累以戰功遷雍州刺史劉曜趙冉逼長安允討之殺趙冉書告捷也劉寅克頓丘頓丘石勒偽署太守邵攀所居也詔此中郎將劉寅往克斬邵攀

書克得雋曰克杜預曰不期而薄之取勝故以克為文春秋鄭伯克段于鄆左傳曰如二君故曰克此則言凡敵相等勝之曰克也

秋鄭伯克段于鄆左傳曰如二君故曰克此則言凡敵相等勝之曰克也

經建興三年春帝正月盜殺晉昌太守趙佩二月猗盧為代王夏四月將軍周訪討杜弼張彥六月發漢二陵辛巳赦雍州脩復陵廟秋七月劉聰寇上黨劉琨救之王師敗績八月荊州刺史陶侃擊杜弼湘州平冬十二月涼州張寔進玉璽

傳曰凡稱盜不名者微也趙佩為晉昌太守遇亂為群盜

所殺書官閔王臣也春秋之義書盜殺鄭公子發公孫輒

傳云書盜非大夫士庶人微者莫得獲其名耳按春秋書盜或時稱名者盜殺衛侯兄摯傳曰齊豹為司寇作不義經書為盜今元經所書盜殺王臣因舊史成文亦言人微不獲其名

猗盧以來嘉六年封代公至是益強盛中國失道莫



能制四夷之僭故曰猗盧為代王為者言也以明西晉莫能制莫能制其僭也周訪者孰謂曰潯陽人也與陶侃結為友元帝以訪累有戰功遷振武將軍詔征杜弼弼作桔槔打官船艦訪以岐搶拒之賊將張彥陷豫章訪擊之臨陣斬彥書官以旌功也六月發霸陵杜陵及薄太后陵面如生得金玉不可勝計是時朝廷草創勅收其餘以實內府不書盜殺者何譏世衰無法又收古陵餘物言非盜獨然由國自收之矣劉聰寇上黨先是劉琨下有徐潤者琨愛之獲軍令狐盛諫琨令去徐潤潤反譖盛于琨琨殺之盛子泥奔于劉聰聰以泥為鄉導攻上黨又襲晉陽劉琨救之為聰所敗譏琨之過也春秋之法有譏有貶有掩大節故陶侃受元帝節度以周訪趙誘為前鋒討杜弼

破之書湘州平告功於元帝也曷謂告功於元帝曰自建興初琅邪王南渡浙江湘東晉即制而中原否矣舊史以元帝未紹位故策書赴告且繫之於西晉耳案元帝未建鄴江東歸心及愍帝即位進丞相督中外諸軍事乃分定江東斬叛者孫弼於宣城又分遣諸將平杜弼於湘州周訪趙誘告功實系東晉張寔者西平公軌之子也玉璽者寔經襲梁州有軍士得玉璽其文曰皇帝璽群寮稱慶寔曰孤常恨袁本初得玉璽諸君何復難耶送于京書進者嘉其不虧臣節也案寔聞長安陷沒大臨三日遣將東赴國難及寔崩寔年號猶稱建興此節不虧之效也經建興四年春帝正月三月代王猗盧薨夏四月涼州張安孫遣步騎赴京師五月雷照叛降李雄七月劉曜攻北地王師不戰而潰八月劉曜逼京師十一月辛丑帝蒙塵于平陽十二月己未劉琨出奔于段匹磾



傳曰猗盧雖夷狄事晉封爵於代貢奉不絕生為王臣死以王禮故書薨張安遜者何曰張寔字安遜也賊逼京師四方阻絕惟寔遣五將東赴國難書字者嘉之也猶春秋書邾儀父傳稱者嘉之也雷照者平夷太守也殺南廣守孟栢以二郡叛降于蜀李雄不書太守者言非其守也王師不戰而潰者劉曜攻北地麴允麴昌士卒未和故不戰而師衆自散譏將主無法所以潰也八月曜逼長安內外斷絕公卿守小城自固京兆弘農馮翊上洛四郡之兵不敢進京師饑甚人相食死者大半帝膳以麴為粥而已十一月帝以羊車肉袒銜璧昇觀出降曜以帝為懷安侯故書蒙塵于平陽不書降諱也春秋為內諱元經為中國諱聖人之情一也

案春秋以魯為內以列國為外魯有恥事則仲尼微辭以諱之其旨非諱魯公而已

地痛周公典禮在魯君臣不能乘而行故善則書之惡則諱之語云甚矣善衰也不復見周公此其志也元經以中國為內以四夷為外晉之喪群胡亂華臣主屈十二月辱仲淹蓋傷之不忍書其降曜亦春秋之諱也

劉琨為石勒所敗乃奔段匹磾者何匹磾東郡鮮卑也懷帝朝以為右賢王助國征討假節大將軍劉聰逼洛陽琨與匹磾結盟共討石勒勒攻樂平太守韓據棄城走琨不能救乃奔幽州依匹磾從飛狐道入匹磾見之甚相重書曰出奔者言內地皆夷狄所有矣飛狐道在石勒自北經建興五年春帝正月帝在平陽宋哲奔江南二月太守李距破賊劉暢三月琅邪王稱晉王改元建武七月大旱胡蝗冬十一月丙子日有食之十二月戊戌聰弒帝崩于平陽劉聰死

傳曰帝在平陽猶居外也宋哲為鎮東將軍當長安之陷



也哲與焦嵩竺恢赴國難事不濟南奔元帝書奔江南棄  
 中原也琅耶王自末嘉之亂出鎮建鄴至是因宋哲奔江  
 南宣愍帝詔曰朕今幽塞窮城恐一旦奔潰卿詣丞相使  
 攝萬機王素服舉哀乃依魏晉故事稱晉王改元建武元  
 年按末嘉元年以後中國上族文物大半奔江南  
朝追書耳今元經但以建興五年盡十一月以全西晉  
後即建武之史也七月大旱曷謂胡蝗曰司冀青雍四  
 州皆蝗是時石勒亦侵奪民稼時人語謂之胡蝗丙子日  
 蝕劉聰弒逆之兆也十二月聰大會使帝行酒洗爵晉臣  
 在坐者無不失聲泣麴允大哭乃自殺辛賓抱帝號慟皆  
 為聰所害書聰弒帝去其姓貶僭逆也崩于平陽言頓失  
 所當以天子之禮終焉劉聰死何以不去姓所以示貶也  
 及卒則書姓名以彰其罪也聰弒二君賊害忠良不可勝

其紀君子既貶其生又貶其死以於惡之甚乎為主堯卒書于經者特是

元經薛氏傳第二



元經薛氏傳第三

阮逸註

經東晉元帝太興元年春帝正月帝即位三月立皇太子

無傳也夏四月戊寅禁招魂葬五月王敦段匹磾殺劉琨

六月帝親零戊戌立皇太子晞為武陵王初置諫鼓謗木七

月戊申詔州牧舉善察惡十一月新野王弼薨庚申詔公

卿上封事新作聽訟觀已卯琅邪王渙薨復立昱癸巳詔

旌吳賢

傳曰元帝諱睿字景文宣帝曾孫琅邪恭王覲三子幼有

令聞不顯灼然之迹蕩陰之敗也帝懼禍將出奔而月明

無由去有頃雲霧晦暝因潛得去成都王穎先令諸關無

出貴人帝至河陽為津吏所止從者宋典鞭帝馬曰官禁

貴人汝亦被拘耶帝聽過至洛陽迎太妃歸琅邪永嘉初



用王導計求鎮鄴西都不守帝於三月即帝位經書正月  
即帝位者西祚已盡東晉首新故必於大興元年正月即  
位春秋所謂正始也且明中興始焉招魂葬非古禮也漢  
魏之術皆妄也葬之為言藏也仁人於其親掩藏歸穴不  
豐不儉必約於禮焉延陵季子曰魂無不之此言葬形非  
葬魂也禁之禮也劉琨既奔歸段匹磾弟未波納石勒厚  
賂潛欲段匹磾以琨為內應事覺為匹磾所囚王敦密勸  
匹磾害琨縊殺之書曰王敦段匹磾殺劉琨言二凶同惡  
殺賢人也帝親雩旱也春秋凡啓蟄而郊龍見而雩始殺  
而嘗閉蟄而蒸襄五年秋大雩二十八年八月大雩皆傳  
云旱也今帝親雩善得禮也按西晉四主凡五十二年大  
旱多矣未嘗親雩以祈農事  
今元帝中興能修雩祀  
誠得禮矣雖非龍見於時皇子晞第四子封武陵王正也

事迹在武帝初置諫鼓誘

治矣詔州舉善察惡戊申

私長吏有志在奉公而不

東晉之治先乎旌別矣新

禮也十一月詔曰災異屢

雨天災譴戒彰朕不德公

覽焉聽訟觀者外朝別館

作此觀古之道也堯開  
其是之

踐祚以子哀奉琅邪恭王

琅邪王工薨復立皇子昱

祀不可絕故書曰復立昱

矣無忌之賢齊師入魯脩

不者書賢君能復古道有意於

詔云州牧刺史相檢察不得阿

兒進用者當受暗塞之責此明

野王弼者汝南王之子書薨得

興谷徵仍見壬子乙卯雷震暴

卿各上封事具陳得失朕將親

也帝始精國政慮民訟壅隔特

主聽於民琅邪王渙帝子也既

亡哀早世更以琅邪王子渙為

向琅邪王經言琅邪中興之國

繼也癸巳詔曰漢高經大梁

惠之墓其有高德名賢或未



旌錄者其條列以聞書元  
絕世舉逸民天下歸心焉  
之間斯皆聖王初興必賴  
此詔宜也

得占義也舜紹堯興滅國繼  
武克商封比干之墓式商容  
賁獻共格于治元帝渡江首下

經太興二年春帝正月迎

于宮于平陽不克二月徐龕討

平賊周撫夏四月陳州以

儀叛徐龕以太山叛陳安以

秦州叛五月將軍祖逖討

勸戰于浚儀甲子史用訪

討平賊杜曾七月太常賀

卒冬十一月一日石勒僭號

趙南陽王保稱晉王於祈

陽崩於劉聰皆不書葬言不

傳曰愍懷二帝皆播遷於

崇陽陵毀五月癸丑又太陽

得其禮終也至是正月丁

軍梁堪修復山陵迎梓柩於

陵毀帝素服哭三日乃遣

平陽書曰不克存孝思也

按崇陽陵者晉文帝陵也太陽陵在西都為

劉曜所發掘書曰毀言

賊周撫者一名為彭城內史殺沛

國內史周默反至是太山太守徐龕討平之斬撫傳首京

師書告功也以建四月陳州徐龕陳安三者同書叛言

中原未能平也平北將軍祖逖與石季龍戰于浚儀王師

敗績書皆陣曰戰不書敗者嘉祖逖之忠有志為晉平中

原君子不欲其敗也故諱其敗績甲子安南將軍周訪討

杜曾之賊戰于武當斬之書功也賀循者其先慶氏避漢

宣諱改賀氏始為琅邪王司馬為參佐隨帝南渡加開府


儀同三司既卒旌中興之臣也石勒據襄國劉曜遣使持

節署勒進爵趙王封二郡如曹公輔漢故事書僭號者連

劉曜皆貶之也

按石勒載記張宿等上疏請即皇帝位合





原件短缺



大單于以撫百蠻勒許之南陽王保者南陽王子也

愍帝初立以保為右丞相至是自稱晉王秦州之地

涼州張寔立之也按史保傳曰保降劉曜而死秦

上却亦謚

經大興三年春帝正月二月季龍寇厭次刺史邵續

戰沒三月慕容廆來獻夏四月枉矢流于翼軫五月

太子詮遇害于平徐龕卒眾來降六月盜殺梁州張

寔弟茂立將軍祖逖破石勒軍八月辛酉遷神主

於太廟將軍周訪卒皇太子于太學九月徐龕父叛

于趙

傳曰邵續者執謂曰散騎乘之子也王浚假樂陵

太守屯厭次石勒既破王浚獲續子又遣人續續泣曰

以兄子駿為西平公書茂繼立者賢之也案茂太寧三年

曰先人以孝友比稱世執忠順今雖華夏大亂汝當謹守

臣節上不負晉主下保百姓吾氣絕之日白

朝服以彰吾志故書曰賢祖逖字士雅世吏二千石為北州舊姓性然

蕩不脩儀檢元帝南渡逖避亂淮泗帝用為徐州刺史逖

渡江中流擊楫而誓曰祖逖不能清中原而復濟者有如

大江屯於淮陰鑄兵器而後進石勒遣將陶豹來戰逖使

韓潛追擊于汴水豹宵遁由是黃河以南盡為晉土不言

破陶豹而言破勒軍大其功也遷神主於太廟時初建宗

廟舊儀多闕或以惠懷二帝應各為世則穎川世數過七

宜在迭毀事下太常督循儀曰商之盤庚不序陽甲漢之  
光武不繼成帝懷帝上繼太祖不繼惠帝弟不惠帝尚在  
太廟而懷帝復入數則盈八八世其一也盈八之理由惠帝不



出非上祖宜遷也書遷神主言遷毀議定猶八室也天子

占之道也其間有兄弟繼立統則於義非二世案晉元帝

太廟七世即自豫章太守量量生穎川太守雋雋生京兆

尹防防生宣帝懿懿生景帝師師傳文帝昭昭生武帝炎

炎生惠帝京生懷帝熾武帝孫鄴是為愍凡九神主除

景帝雖為文帝兄弟義著祖宗百世不毀則自始自始

訪者字上達家潯陽與陶侃結友前後征討多戰功智勇

過人與中興名將李矩郭默相結慨然有平河洛之志王

敦雖懷逆謀然終訪之世不能為非年六十一卒贈征西大

將軍書官而終貴之也太子釋奠之禮又廢江南文物始

脩於茲有以見人君先齒胃之禮由太學而興乎徐龕復

叛于石勒不書石勒而書趙者言中原分裂猶敵國也故

書國且言晉衰矣

經太興四年春帝正月二月徐龕來降鮮卑末波獻信璽

癸亥日闔三月置諸經博士夏四月段匹磾没于趙七月

戴若思劉隗王導都督司空八月常山崩九月將軍祖逖

卒十二月慕容廆為都督幽平諸君事

傳曰徐龕復來降其去也可貶其來也可恕故君子亦書

之以懷後至者也鮮卑末波者段匹磾從弟也襲匹磾而

附石勒及中興末波奉送皇帝信璽於我鮮卑國也末波

是其名也若春秋書長狄僑如之類別無官族褒貶之例

癸亥日闔者何曰本志謂太興元年乙卯日夜出高三丈有

赤青珥四年二月癸亥日闔三月癸未日中有黑子皆帝

寵幸劉隗而擅威福王敦囚之舉兵犯京師禍及忠賢之

兆也置諸經博士博士秦官也漢因之九經皆有博士魏



諸經皆當備置也案本史經任博士者毛詩即有文立周禮即有陳郡春秋三傳有劉兆二禮有

王凌表為遼西公後遷幽州刺史至是與石季龍戰敗被

擒於襄國嘗著朝服特晉節乃遇害書没于趙趙晉敵國

也匹磾不書官貶也曷謂貶曰匹磾始與劉琨結盟事晉

現窮來歸之而匹磾害琨故旋踵亦被禍大計一虧小忠

無益也案劉琨傳王敦使匹磾殺琨又恐琨與反已遂矯

告我是也因歐殺戴若思劉隗王導同書者何曰皆佐

命功臣也若思屈於王敦劉隗奔于石勒各不保其終王

導者誅王敦有大勳于東晉然同書者舉其終所以待其

終同其恩所以異其效爾若春秋書齊侯宋公鄭伯許男

滑伯滕子同盟于幽但書其同盟無復以爵先後為我

也

按戴劉王三賢並佐命者王敦傳云帝用劉常山崩書其

也若春秋書梁山崩杜云繫其所災不繫其國梁山不書

晉者名山不以封也今經所書者記災異也

記異者蓋言一時祖述字士雅范陽人元帝中興述有振

之異無繼災谷也復之志誓以期清中原遷豫章刺史累破石勒進述為鎮

西將軍石勒不敢窺兵河南述據武牢恐南無堅壁乃率

眾築壘未成而病俄而卒于雍丘年五十六歲豫州七女

若喪考妣書官以卒嘉其忠也慕容暉為都督幽平諸軍

事初鹿元康中居大棘城大棘城嶺也為鮮卑都督累有戰

功至是受都督幽州軍事平州牧書于經懷外夷也

經末昌元年帝正月改元王敦反三月帝大閱于郊外夏

四月王敦自為丞相殺戴若思周顛五月周慮反殺將軍

元經



甘卓六月旱秋七月太山陷于趙冬十一月太尉荀組薨  
閏月乙丑帝崩于內殿

傳曰王敦反者何司徒王道從父兄也潘滔嘗曰處仲敦字  
蜂目已露但豺聲未振爾若不噬人亦為人所噬東海王  
越以敦為揚州刺史元帝興以敦為師時劉隗用事頗疎  
間王氏帝惡敦而畏之遂引劉隗刁脅為心腹敦益不平  
至是舉兵內向以誅劉隗為名帝下詔曰王敦憑恃寵靈  
敢肆狂逆方朕太甲欲見幽囚今親帥六軍以誅大逆有  
殺敦者封五千戶侯三月帝大閱者帝親被甲狗六師于  
郊外將伐王敦此先閱兵也春秋桓六年八月壬申大閱  
傳云簡車馬也周禮大司馬之法仲冬教大閱戒眾庶修  
戰法萊所田之野陳車徒斬牲以誓曰不用命者斬之鼓

戒三闕車三發徒三刺若大師則掌戒令及戰則巡陳視  
事而賞罰之大師謂王親征伐也書曰帝大閱言得禮也  
王敦自為丞相非帝命也敦既克石頭乃收周顛戴若思  
曷謂逆臣同貶曰顛與若思帝委重兵不能善謀討賊而  
自取夷戮亦猶一賊耳故皆貶宜矣春秋書趙盾不能討賊也况周顛戴若思

各領兵奉王命討敦而不克雖不書其官亦可貶其無功也甘卓字季思西晉之亂避  
難棄官東歸遇陳敏後討陳敏有功累遷梁州刺史鎮襄  
陽王敦向闕也卓露檄遠近陳敦肆逆率所統討雖懷  
義正而性不果毅軍次豬口累旬不前敦大懼遣使求和  
謝卓曰君旋軍襄陽當結好卓即還軍會襄陽太守周慮  
承敦意詐言湖中捕魚乃襲害卓書曰周慮反者言慮  
受晉官陰附王敦殺害忠黨故先書其反而後殺卓疾其



也卓書官貴之也七月石季龍攻太山執其守徐龕不書  
守守賤不足書焉惜太山琅邪之國陷于賊不復歸矣苟  
組者荀藩之弟幹大惠帝西幸以組為河南尹兄弟貴盛  
懼不容於世雖居大官但諷議而已洛陽陷組藩皆出奔  
愍帝時組藩共保滎陽之開封元帝興組移檄勸進大興  
初逼於石勒乃渡江錄尚書事遷太尉書官以薨貴舊德  
也乙丑帝崩于內殿終以正也帝為王敦所逼下凌上辱  
憂憤而殞故葬速禮有闕也按本史云晉室紛亂皇輿播  
越天命未改人謀叶贊經絡

區區僅全吳楚終以下凌上辱憂憤告謝  
蓋恭儉之德雖充而惟武之畧不足也  
經明帝太寧元年春帝正月帝即位癸未黃霧四塞蜀李  
驤破譙登越雋漢嘉降于蜀二月葬元皇帝壬申殞霜殺  
麥無傳按春秋霜殺二月饒安東北安陵縣災王敦求徵

五月京師大水六月壬子立皇后庾氏將軍陶侃平交州  
梁碩秋七月劉曜滅陳安八月石季龍殺青州刺史曹嶷  
傳曰明帝諱紹字道畿元皇帝長子也建興初立為皇太  
子永昌元年閏十一月庚寅即皇帝位經書太寧元年正  
月帝即位者端其本始也按梁春秋正始所以端本也癸未黃霧本志  
日是時王敦擅權謀逆之兆也李驤者李特之弟也特子  
雄僭號以驤領兵征涪執梓潼太守譙登又越雋漢嘉等  
郡皆下之曰書降于蜀蜀主雄盛開拓漸廣也饒安諸縣  
災春秋言內災係宗廟社稷則書外災來告亦書之元經  
天下之書也無分內外凡天災譴戒則書焉饒安東光安  
陵災燒七千餘家死者萬五千人此災尤大者也本志謂  
信道不篤或權虛偽纔天昌邪勝正則火失其性雖興師



不能救是謂火不炎上蓋王敦威侮朝廷多行無禮極陰  
 生陽之禍王敦自為丞相專朝政將謀篡位諷朝廷徵已  
 帝不得已以手詔徵之敦遂起兵下蕪湖窺釁而動也五  
 月大水春秋之例曰平原出水為大水按桓元帝秋大水  
 夏水亦傷禾稼故元皇后庾氏者庾琛之女也明帝即位  
 立為皇太后冊曰妃庾氏昔承明命作嬪東宮履信思順  
 以成肅雍之德正位閨房以著協恭之美崇嫡明統載在  
 典謨宜建長秋以奉宗廟使使持節兼太后受皇后璽綬  
 卅儀天下潛暢后教其敬之哉經書正也案琛贈驛騎大  
 亮管詔命交州賊梁碩者攻陷交州殺刺史王諒平南  
 將軍陶侃遣將高寶討碩斬之傳首京師告功也陳安者  
 何曰初為劉曜將也遣安擊張春滅之安於是叛曜至是

曜討安于隴城殺之書曰劉曜滅陳安爾名猶春秋諸侯  
 相滅非王命而滅之者皆為不道也故兩書名俱也按  
 秋小國相滅齊威公不能救則威公之故秋滅邢滅衛  
 而齊威以邢遷夷儀遷延衛楚丘所以與滅絕繼源伯者行  
 之且言晉不王時無伯政使亂臣賊子互相屠滅有足傷  
 焉司馬胤伐之法其最重者內外亂鳥獸行則滅之無是  
 王此三者皆非法互曲且疑者建武初為青州刺史與并州  
 劉琨幽州段匹磾冀州邵續交州劉演皆附元帝勸進為  
 晉藩屏至是趙將石季龍攻陷青州疑遇害稱官見殺閔  
 忠臣也

經太寧二年春帝正月帝臨朝懸而不樂石季龍寇交州  
 三月劉曜寇魏興南陽夏五月王敦矯詔以舍應為將軍  
 七月壬申帝躬率六軍討王敦敦戰敗憤卒丁酉帝還宮



大赦賞功臣有差冬十月王導為太保西陽羨為太尉豫州祖約保壽陽十二月帝謁建平陵

傳曰帝諒陰始臨朝行元會饗宴禮具宮懸不考聲言天子喪制行告禮故懸而不樂權宜也趙將石季龍攻我兗州刺史劉遐退保泗口三月劉曜遣其將康平攻我魏興及南陽言二趙日侵晉也

敦矯詔以其子應武為將軍兄含為驃騎大將軍自樹其族將謀篡也丁卯王導為大都督温嶠為中壘將軍下敦守石頭城應詹為護軍郝鑒為行衛將軍都督從駕度亮領左衛下壺行中軍將軍王邃祖劉遐蘇峻陶詹等環衛京師七月壬申帝躬率六軍出次南皇堂至癸酉夜募壯士甲卒千人渡水掩其不備大破之斬敦前鋒故康於是敦憤惋而卒乙敦

眾濟水至宣陽門劉遐蘇峻自南塘橫擊大破之賊黨悉

平丁酉帝還宮大赦惟敦黨不原封王導始興郡公温嶠

建寧縣公下壺建興縣公庾亮 縣公劉遐泉陵縣公

蘇峻郡陵公郝鑒高平縣 應詹觀陽縣侯趙胤湘南縣

侯下 益陽縣侯其餘封爵各有差等平賊之功也王導

西陽羨書並命得賢輔也祖約為豫州刺史是時石勒將

石生屯洛謀攻我豫州約退保壽陽晉曰削也十二月帝

謁建平陽行大祥之禮古者不封墓至漢而下帝王陵皆

立廟大祥謁廟以明孝思行之可也

經六寧二年春帝正月二月戊辰復三族刑三月壬辰立

皇子衍為皇太子癸巳徵任旭虞喜為博士 四月詔議

政道論直言五月陶侃都督荆湘雍梁州大旱自正月至

七月



于是月秋七月郝鑒都督青徐二州詔興滅繼絕及五郊  
祀八月戊子帝崩于東堂九月癸卯太后臨朝辛丑葬明  
帝于武平陵冬十月癸巳朔日有食之

傳曰復三族刑惟不及婦人本志謂謀反大逆夷其三族  
不在律令所以嚴惡類也又云女子有三從之義無自專  
之道若父母有罪而刑已出之女或夫黨坐誅又有隨姓  
之戮一人之身內外受刑令女既嫁則為異姓之妻如或  
產育則為他族之母嬰戮

刑因王敦大惡之後行以戒其惡也不及婦人矜無辜  
也皇子衍長嫡也為皇太子正也處士任旭字次龍臨

海人元書召才出事具隱虞喜字仲寧

賀循為司空先達貴顯每詣喜自云不能測也

王導建學校下詔曰夫興化致治莫尚乎崇道教

明退素也任旭虞喜並潔靜其操歲寒不移研精典墳前

雖不至今更以博士徵之事具儒林傳四月詔曰大事初定其

命維新宜令太宰司徒以下詣都堂參議政道諸所因革

務盡事中又詔曰苟有一言亮正予違汝弼望共勗之史

言明帝聰明有機斷尤精物理雖享國日淺而規模宏遠

觀二詔可知矣陶侃都督荆襄等四州本史謂明帝分上

流之勢強本弱枝國之善謀也郝鑒自明帝時假節鎮合


淝帝伏鑒為外援既平王敦又委鑒東北以禦趙寇也詔

曰三恪二王世代所重興滅繼絕政道所先又宗室哲王

有功勛於大晉佐命功臣開國昭王誓同山河苟廢絕禮  
祀甚用傷懷主者詳議應立後者以聞又詔曰郊祀天地



帝王之重事中興以來惟南郊未嘗北郊故四時五郊之  
 祀都不復設載在祀典應望秩者悉廢而未舉主者依舊  
 詳處二詔皆古之道也書于經足以為萬世法矣八月壬  
 午帝不豫召太宰西陽王秉司徒王道將軍陸曄丹陽尹  
 温嶠受遺詔輔太子丁亥詔曰昔周公匡輔成王霍氏扶  
 育漢昭義存前典功冠二代豈非忠臣之道乎敬聽顧命  
 受任託付雖有內外其致一也不有行者誰扞牧圉譬在  
 唇齒表裏相資百辟卿士其總已以聽家宰保幼冲人戊  
 子帝崩于東堂正其終九月太后庾氏臨朝稱制帝幼故  
 也按明穆傳曰羣臣奏天子幼冲宜依漢制皇后故事  
 辭讓四乃臨朝后兄亮詔命公卿奏事稱皇太后陛下  
 下辛丑葬明帝于武平陵禮也十一月日食本志謂癸巳  
 朔日蝕在卯至斗吳分也蘇峻之作亂應也按蘇峻平王





程